

## Von dem alter des Biers.

**A**lter die Biere sein / ja besser vñ  
kitziger sie sein / Ja jünger / ja we-  
niger sie erhitzen / Señ sie werden /  
durch verlauff der zeit heisser / wñ  
das / was an ihnen dünne vnd wesserig ge-  
wesen / nu mit der zeit verzehret ist / Wenn  
sie aber doch auch alzu alt / werdē sie sawr /  
vnd beleidigen den Magen / Die Nieren /  
den Bauch / die Spanadern / vnd ihre glic-  
der / erregen den Harn vberflüssig / Die  
Biere aber werden sawr / nicht allein von  
wegen des alters / Sondern auch / das  
man ihnen zu wenig Hopffen gegeben / vñ  
sie nicht sat oder gnugsam hat kochen vnd  
sieden lassen.

**V**rsachen warumb das Bier lange lē-  
gen vnd alt werden kan.

**S**eweil sich befindet / das etliche  
Biere bald verderben / oder sawr  
werden / Etliche aber auch lange  
volkommen bleiben / vnd alt wer-  
den können / wölten wir hie ein wenig / von  
vrsachen desselben setzen.

Vnd ist demnach die erste vnd vornem-  
ste vrsach / das die Biere vollkommen bleiben  
vnd alt werden können / wegē vielheit oder  
mangel des Hopffen / Denn sein ampt ist /  
das die Biere bey ihren kreyfften vollkom-  
lich